

ماذا لو قرر السيسي شراء 3 طائرات فقط بدلا من 4؟!.



الجمعة 19 أغسطس 2016 02:08 م

تدوال نشطاء مواقع التواصل منشورا لأحد الأطباء ينتقد فيه شراء رئاسة الانقلاب 4 طائرات خاصة فاخرة أشبه بالفنادق، بتكلفة وصلت لـ 300 مليون يورو (3 مليارات جنيه) .

المنشور كان بعنوان "يا تري لو فخامة الرئيس المحب للطائرات قرر يشتري 3 طيارات بس بدلا من 4 و وفر علي البلد 90 مليون يورو، يعني تقريبا مليار جنيه، كان ممكن نستغلهم في ايه ؟" .. والذي قال ناشره فيه :

طيب يا تري لو فخامة الرئيس المحب للطائرات قرر يشتري 3 طيارات بس بدلا من 4 و وفر علي البلد 90 مليون يورو، يعني تقريبا مليار جنيه، كان ممكن نستغلهم في ايه ؟

- كان ممكن نشترى 50 جهاز أشعة مقطعية سعر الواحد حوالي 2 مليون جنيه ، يبقى كده 100 مليون
- و نشترى 200 جهاز سونار و دوبرلر سعر الواحد ربع مليون جنيه، يبقى كده كمان 50 مليون
- و نشترى 300 حضانة أطفال، هنقول سعر الواحدة 350 الف، يبقى كده كمان 100 مليون

كده ربع مليار جنيه

- نشترى 10 الاف كرسي متحرك سعر الواحد 600 جنيه - اه و الله 600 جنيه بس و المريض مش يبلاقيه - يبقى كده 6 مليون جنيه
- و نشترى 1000 جهاز رسم قلب نضيف سعر الواحد 10 الاف جنيه، بإجمالي 10 مليون جنيه
- و نشترى 100 الف قسطرة وريدية مركزية، سعر الواحدة 180 جنيه، يبقى كده 18 مليون جنيه

دول كلهم على بعض ما يكملوش كمان 50 مليون، يبقى كده المجموع 300 مليون

-ناخد كمان 100 مليون نجيب بيهم سرنجات و جواناتيات و خيوط و فوط بطن و خلافة، يبقى كده 400 مليون

-نجهز غرف عناية مركزة بربع مليار كمان، و وحدات غسيل كلوي ب 200 مليون، يبقى كده إجمالي 850 مليون

يتبقى عندنا 150 مليون، نوزعهم مكافأة علي السادة القضاة لأن بقالهم كثير ما اخدوش مكافآت، يبقى نصيب كل قاضي 10 الاف جنيه

كل ده بتمن طائرة واحدة من الأربع طيارات بتوع فخامة الرئيس

بس طبعا انا مدرك ان الطائرة اهم، و ان من غير الطائرة دي ممكن هيبتنا وسط الرؤساء تروح[]